


冬青館乙集

卷一至卷二



冬青館乙集目錄

賦一首

詩一

掃花山館集六首

勞薪集七首

湖樓集十六首

檣谿拾橡集十五首

過江集七首

望雲集四首

冬青席集十四首

蕪城集四首

後冬青席集十二首

詩二

北征集二十首

南游集七首四首

寄阮集十七首

疆桐館集十一首

淮南集三首十五首

臨頓里集十二首

林屋洞天集十六首

桑苧園丁集十首

瘴風集二十六首

湖井叔集二十三首

文三

釋一首

論二首

策三首

解一首

辨一首

攷四首

文四

記二十五首

文五

序十七首

文六

書一首

跋書後十九首

文七

跋書後二十八首

文八

傳十三首

碑五首

銘一首

贊三首

墓志銘表五首

祭文一首

余既自刻甲集同儕咸見爲少於是王硯農臺叔昆季  
襍取叢稿以去將先爲清本聞川計君二田遂先刊詩

三卷硯農又奔走四方凡有文事諸家遞相惠惠咸有  
依借越五載梓尙未竟今春得沈君升甫相助升甫余  
故人柳橋哲嗣卽前爲余襄校甲集者也從知事必有  
緣而凡事先後一轍終克集成然朋友之貺不敢忘也  
至於其中妍醜人知之余自知之棄取亦不復自主用  
不敢問序於人時方將司教武成恩恩不遑多述聊誌  
其艱苦云爾丙午七月烏程張鑑識是年七十有九

其賦皆云爾丙午十一月... 不類問乳氣人... 至其其中... 其人... 於... 三...

冬青館乙集卷一

烏程張鑑秋水

賦一

第一樓賦 并序

蓋聞景怡治學然糠見慕於及門麟士講經織簾不辭平別  
舍蠡斯鳴則草蟲躍雕虎獻而清風生物類相召古今一致  
何況文翁治蜀郡人不仰其風猷薛漢明韓博士羣遵其章  
句也哉吾師儀徵夫子莅浙之明年慮古訓之式微懼俗學  
之不殖爰於西湖築詒經精舍置生徒其中遵甲乙之科擬  
金爵之賞將以紹徐謁卿改做就善之謀矯錮子駿樂成慮  
始之誠上則儲著作以備  
嚴更之選下則立頑懦以資石室之藏昔東萊纂述甄拔者

何多安定名齋設科者不一有唐有涂先正之堂爰立爲塾  
爲序退息之室式昭其南有樓名傳在昔集多士宣講說春  
風和化雨洽綉奧義於藝林縣訓故于不墜頓八荒以遠攬  
紹千載之冥搜非政之以文治者乎鑑得參末坐幸推下流  
兼陸澄奪席之譽有何憲抽簞之恥不揆禱昧謹獻賦曰  
伊古訓之將湮賴扶植于明良仿先民之講說立精舍之式  
臧得爽塏于遠渚遵秋水之一方旣鉏茅以築室復薙草而  
開堂邃蜿蜒以修弄疏洞達以啟窗允軒敞而皓旰用瀏灑  
而傍徨貯美目以遠睇亦登樓而遙望其樓也不廣不狹非  
麗何侈高薨崔巍飛宇爰啟藻楨波譎芝栢雲詭陰蚪上負  
陽馬下止檝櫨相承欒栱交綺浮柱昭嶸以星縣文梁偃蹇  
以虹指扶欄翼張以鳥革天窗轍舉以遠峙循梯枕以徑度

羌裴裒而上升旣登降而周覽日愕怡而經營拖虹霓于欄  
楯列瑤光于綺樞挹流霞之朝爽吸翠氣之清泠東則文瀾  
海流翰墨之富金繩束筍騰囊錯繡向校農求鮒臧聃守名  
記師春書垂史籀仲寶別其流孝緒糾其繆南則敷文峙焉  
黨庠州序莘莘俎豆雍雍筍虛儷白抽黃禮洽儀具藉藉士  
子命儔歡侶聿矜懷其好音樂諧奏其振羽於是背冬涉春  
感物念時歸雁載軒新魚戲遲長楊檻卧落華窗窺柅柅拂  
幕蓑蓑映帷簾雨晦卷棟雲暘飛綠菱穎擢紅蓮房披禽鳴  
上下嵐光霏微風定翠恬不可殫知爾其朱屏曲折紅欄補  
綴方疏斜甬交幌對結紫貝龕灰明螺鄣榻琴薦薰鑪沙版  
紅壁龍鱗之瓦齊排蝦鬚之簾幾尺帳則坐鶴曾安牀則堵  
龜旣設嵇叔夜之鍛竈不妨陸魯望之茶鑪並列其中陳以

牙籤羅以藤笥笙典珠囊琅函金櫃漢柏秦灰宗經步緯卮  
說稗官譎言奇字玉杯之書金鑿之志琴號食墨珠名記事  
切綫割園開山括地廣爲鈎沈窮極證墜多張華所莫知率  
束哲所不計異諾皋而彌奇非虞初而足秘爰有敦誨之彥  
山澤之臞始則土窟終焉石渠賣餅東海籬桶上都氣窮數  
馬跡迂券驢家或等于握瑾智寧類于盜珠非使然于利祿  
良有心以惠孚用私恥于蟲夏終見誚于濫竽於是爭妍鬪  
險角韻分題尖义互作競病相齊擘牋刻燭落眉撚髭兀如  
木槁豁若冰漸脣吻鐘調胸臆律吹分析肌理研覈是非莫  
不飛靡以弄巧吐豔以炫奇亦有推十合一競今擯古法言  
幽求天規地架抗心千載任其所取澡身元淵宅德藝圃案  
六經而校功眇古昔之緒餘甯越之勤不能過董生之篤不

足數指歲月而程效登斯樓以爰處若乃巒光乍霽湖氣初  
晴酒旗歌板象管鵝笙珠喉轉澀銀甲彈輕游人空國士女  
傾城鹿頭畫舫油壁香輪鶯花如海魚鳥爲鄰盟鷗狎鷺戴  
月披星玫瑰滴露猩猩煮脣南都北里之曲千秋萬歲之觥  
斯王孫之極樂非吾人之所寧而況崔駟不樂吳質長愁繁  
欽之苔不埽馮衍之薑乍收望美人于天末獨含睇于芳洲  
或竚月于西陸仰零露于素秋恫長繩之不繫悟時敘之盡  
遭率操觚而染翰懼名實之不修願矢志于金石聊宣意乎  
斯樓

詩一

埽花山館集

余自幼耽吟詠散佚頗多然皆無足錄者茲鈔以著雍渚灘



之歲爲始屈步尋條烏知千里存之亦聊以自恕云爾張鑑識

古詩五首

琢玉損其圭削竹毀其節我懷烈士心千載耿不滅歲蕤發  
空山秋風吹萎絕自非歲寒姿誰能厲冰雪  
峇峇嶧山陽上有梧桐樹幽人斲爲琴虛懷抱冰素俗耳尙  
淫哇正聲失韶護中有太古音獨向空山晤  
茗蘭生幽谷微風散芬芳佳人惜頽波甘心守空房秋江蹇  
芙蓉夕對明月光豈不懷陽春勉旃行露妨  
世路趨繁華往往事微逐讀書非療貧厥言足三復朝起坐  
晴窗一編媚幽獨長卿題柱人至今嗟齷齪  
昔人重交游寶劍帶丘墓後世須黃金貧賤不相顧習習谷

風吹棄竄等行路千載贈綈袍橫涕有餘慕

猛虎行

猛虎猛虎大於兕前行山鬼後木客白晝公然入城市西邨  
駝我胡髯羊北舍齧我白蹄豕少年縮手不敢視嗟嗟猛虎  
我語汝黃麀白兔滿深山汝獨何爲至於此汝獨不畏焦銅  
射石石飲羽楚有熊渠漢有李

勞薪集

予六歲失恃先府君年踰四十祇不肖一人愛之甚至於讀  
書未嘗督過至二十受知於學使者朱文正公始學爲詩明  
年館谿南劉氏暝琴山館遂得徧觀古今人著作之緒頗識  
學問之方所得篇什亦略次第可攷故編年之詩以勞薪爲  
始焉張鑑識

時大彬酒斗歌爲劉丈琨作

髯也昨置木瓜酒招我來觀古磁斗花陰捧過踰紀獻云出  
前朝大彬手此斗胚胎極光怪非赭非紺非深黝膩如桃皮  
削金錯堅若水蒼脫艾綬花稜船至失鮮妍蕉葉釭開見老  
醜說陶前事不勝書尙憶卮言得八九宣和以來貴磁器龍  
泉一出不脛走定州白與汝州紅建安之窯挂人口有明秘  
製矜成化蟲魚花草無不有世珍永樂薄如紙玉環嫌肥習  
相狃其外官哥汝閩豫頗多窯變難矯揉銅胎鐵足亦苦心  
一種流傳定非偶或言壺系出仙家辭太荒唐吾不取金沙  
寺僧無人知龔春去後唯此叟指羸紋印雜欸識小字娟娟  
篆科斗趙莊山下石黃泥一具居然抵瓊玖銀槎碧山竹濮  
謙能事由來有墨守不獨倅般合妙用剔紅填漆足垂後風

燈過眼倏千年祇有人匪石金壽胡須粉麝壓香匳那有刀  
圭誤藥曰三春典盡肅霜裘對此狂呼欲濡首提梁卣倒百  
分空歸去車茵不辭歐

銅鼓歌

檀檀乳鵲鳴花尖主人睡起鈎疏簾竹鑪聲小打門急如牛  
喘月來長髯沿階界至一銅鼓苔斑未洗蝸涎黏雲雷交互  
光黓黓荇藻剝落波瀾瀾耳蟠科斗手敢摸年譌馬鼠唇先  
箝豈有生沙與活翠雨淋日炙知相兼粵有谿崗有都老珍  
踰珠玉難窺覘殼棘千頭換未易高會臚列中心快畫衣蠻  
女髻一尺扣以釵腳開香匳木絲花紅酒初熟馬肝羊胃羣  
喁噉有時鼓聲澁不起鷹眼四射梟音詰白馬祠前霧昏黑  
綠郎廟外雲蒼黔刀橫箭直力如虎二摻不竭師寧燔此鼓

浮沈浩灰劫誰扛千里歸茅檐昔日將軍建銅柱交趾充貢  
咸嬉恬魯班門邊式金馬曾銷萬面寧敢謔古人一事寓經  
濟小儒不識舌互瞻太元三年下丹詔膏肓大吏加鍼砭輦  
錢入獠充鼓鑄行若駟僮奚能廉於今害銅興江左鵝眼盈  
篋憂心悵筭除金器更匱鏡刻泥濫用宜髡鉗矧復擊時亂  
雅樂詩筒寧便矜郵籤昨聞蘇軾杯半平蘇軾年蘇軾年蘇軾年蘇軾  
朝報禁赤仄會碎此鼓投炎炎蘇軾未蘇軾未蘇軾未蘇軾未蘇軾  
蘇軾李白樓招集湖舫分賦蘇軾補蘇軾補蘇軾補蘇軾補蘇軾  
平波漾鞞紋艣枝曳搖碧白也折簡招舊雨紛如鯽是時候  
秋中湖目尚堪摘遙峰露娉婷髡柳傲蕭城淡陰漸解駁日  
腳漏艣格微雨忽過來煩襟此焉釋輟權復容裔亭館弔陳  
跡偶然探三車終令皮雙屐矧領漁隱銜夙心託汎宅回船

出葑田結飯蘋洲夕鬪拇與藏鉤蟬聯語無擇小戶羞歐茵  
洪飲方一石暝色赴漁燈梵韻催歸客羊劉罰不任索句免  
頭責勝引忘朝昏妙侶感今昔燕朋吾敢撻澄懷在三益

桂蕊

秋風策策雨絲絲一縷香生桂樹枝飛燕欽橫金粟裊水蒼  
珮冷玉犀垂卽教小住寧無意欲寄長謠定未遲不待月圓  
花滿後畫欄先已立多時

姚笙華以水仙花見貽賦謝

點染春風欲化煙玉羅窗下畫簾前山礬開後應休妬總與  
梅花有舊緣

夢來無處說生涯小字猶爭萼綠華長恨試燈風裏看瓊瓏  
錯認馬騰家

簾衣風起漾情瀾也抱冬心凍不乾  
髮髯青谿雙鬢影細腰  
初試息肌丸

湖樓集

庚辛之交予以試事往來於西子湖頭者不下二十餘月往  
往借僧樓爲行窩鬪韻語於花龕寫羈懷於秋艇疥壁留題  
遺失不少彙而錄之并爲一集張鑑漫書

汪氏雙節詩

鬱鬱青松樹上纏雙兔絲霜風一以吹折此孤生枝同居兩  
貞女種蘖北堂垂沒爲長不歸門戶安可持堂上白髮姑屋  
下烏兜兒織縑日盈匹辛苦當告誰鬻我身上衫爲姑作夕  
糜脫我耳邊珠爲兒起晨炊兒飢學且廢姑飢孝還虧二者  
一不得羞與黃泉期食蓼二十載神明無所欺古井白不波

訓狐焉能爲奚必磨笄人方可光門楣吉金與貞石要使綱  
常維送姑歸泉臺促兒向京師歐血日一斗苦節難爲辭小  
婦報地下大婦力亦衰惟有桓山鳥至今猶烏私別鴿羽翻  
鍛孤鸞鳴聲悲誰將寡女絲彈入清商詞

夕陽八首

林梢渲染有無閒髮髯烏衣巷口還看盡鶯花三月樹愁生  
金粉六朝山碧雲作意遲來友暝色催人上別顏記得紅衫  
高骨馬九嶼寒影繞潼關

拋殘宮綫泥商量添得分陰上螭牆遠道似傷垂老別清歌  
重惜少年場鞞紋水冑明霞亂卵色天烘積翠涼曾向茴香  
花畔坐玉貓眠地晝初長

瞳矓猶認照高臺難繫長繩一任頽滿地落花春畢靜半天

涼葉鳥飛回秋千架冷迷行板  
苜蓿盤空罷舉杯便到采桑  
南陌上使君五馬總心灰

搖曳簾波一桁低纖雲四卷又平西  
霜欺柿葉明高閣柳壓  
棲鴉閃大隄蓮漏聲沈香院靜  
繡幡影偃石壇齊不須較量  
花輒裏爲有葵心不自迷

半規曉影照花枝步履林垆有所思  
壞道殘碑烘石墨四圍  
濃翠亂鞭絲誰家鬪草歸偏晚幾度尋詩去較遲  
欲向碧翁重搔首年華銀箭水同移

平沙一抹淡無言照入駝峰帶綠垣  
荒磧馬歸弓影直軍門  
旗卓繡紋翻抱來牧犢迷莎草移上征袍見淚痕  
莫道傷春兼中酒閒愁無限近黃昏

銅鈺低挂遠山橫散作樓頭玉笛聲  
鸚鵡晝長閒話少鷓鴣

天迴暮雲平歌停北里人將別  
火入荒陵雨又晴幾處蒼然  
眺平楚也應腸斷沈初明

望中雲葉半模餽閱盡繁華是素烏  
曝袴不嫌聊復爾揮戈  
那得住須臾綺羅易散哀蟬喝花草無情  
夢蝶孤豈有鸞坡  
描日筆獨將金蠶畫平蕪

題張晴崖畫扇

紅蕩花香水不波絲絲楊柳覆晴莎  
多情誰似張三影又載  
兜孃水上歌

合歡蘭圖

重簾香度午森森接葉交柯態不任  
對影已教成巧笑多情  
無奈是同心藥名獨活長年訣  
桐號孤生太始音持較此花  
渾不似祗宜添上美人簪

題方湛崖春郊試馬圖

珊瑚韉拂綠楊絲花底連錢小試時但得功名式銅馬歸來  
欸段不妨遲

十年騎向

鳳城西不遇孫陽首重低今日春郊還洗刷知伊深惜錦鄣  
泥

謁南鎮四十韻

越部留名鎮周官記職方秩宗尊異代典禮肅今

王山澤靈應效風雷饗必償幽崖通瀚渤絕壁入青蒼雨勢  
驚磅礴雲陰接混茫氣還蒸大澤景欲蔽南荒玉帛塗山遠  
春秋禹澤長百靈羣拱揖千帝儼迴翔報本由來重祈年自  
昔彰深巖藏玉冊古洞冷金牀相古流方割惟斯物乃康地

名聞會計封爵數開皇嶽瀆尊應視金絲樂未央永興存福  
昨昭德叶休祥苔蘚穹碑在丹青闕殿涼繡旂紛窈窕畫壁  
補荒唐鸞御來朝夕蚪駮下雨暘陰廊窺鳥鼠寶座列冠裳  
歷世欽猶舊祠官祝每莊檜枝垂寢幄芝草長齋房鐙火應  
還展几筵洵屢將麗牲嚴爾栗醞酒酌椒漿蠻管隨時得神  
弦未可詳羣情歡士女祈望信烝嘗國計時無沴民依歲不  
穰金甌調水旱玉燭順陰陽瞻拜心彌肅周觀志或俛堯年  
方皞皞夏甸自芑芑

帝語垂綸綍謨言協贊襄平成看

聖代燮理本明堂惡浪支祈鎖開山木彪禳雙圭分日月九  
鼎象文章作貢南金美徵材竹箭良覲期分輯瑞禮數肅鳴  
鐘執事嚴升贊迎神記太常入門昭儼恪弔古轉傍俛甘露

零南土朱英滿帝鄉妥靈陳黼帳肅祀共瑤光宛委晴雲白  
蒼梧暮日黃六陵何處是明德在馨香

後奉華堂研歌

古今研說不自同羽陽已去香姜空澄泥之研出何處令我  
一歌猶未終憶昔天水南渡日鳳皇山下樓臺出紅霞帔屬  
大劉妃妙選纖腰初第一調鉛殺粉無日無繪事流傳補袞  
圖桐華煙墨磁藍紙研也想亦隨歡娛芙蓉岡西射廳北弦  
索高張簾影黑此時承詔拂絹素玉奴翠奴少顏色我聞德  
壽日寫經一百九研同繁星采來寧向洮河綠琢出渾似端  
谿青御史文成那得賜當時爲進婉容位君王留此不肯歸  
此語何關妃子事玉函零落冬青前百年纔過漂鈿蟬石湖  
靈璧不足數海嶽蟾蜍豈足傳髣髴匡山陣雲苦玉帶生亡

事何補獨有黃冠汪水雲手把斧柯淚如雨摩挲未畢心煩  
紆重之不踰紅珊瑚眉紋乍想土花蝕星點還疑螺黛汗紅  
雲杳杳秋風裏名姓空勞鈔畫史匣邊漫展玉鴉叉一樣銷  
魂楊妹子

文瀾閣閱書紀事四十韻

東壁圖書聚西湖節物和然糠仍不足懷餅許相過地比鴻  
都近人非虎觀多入門繁竹樹繞徑雜藤蘿青瑣窺神女文  
槐植素荷陰蚪還負槐陽馬總承阿著錄窮千古搜羅準四  
科琅函詒典籍藜火費編摩王儉讐非略劉歆校不譌琅嬛  
何窈窕宛委正陂陀憶昔遷明社中原值倒戈曲中歌白雁  
水上起蒼鵝金策操誰是珠囊理則那縹緗淪突豕帷蓋亂  
飛蛾一自沈榛杞奚能返馭娑王風從此缺大義不無頗

聖德同三代平成邁九歌武功傳息馬文治浹靈鼉遂降求  
書詔從回日下河陳農方奉使苗發更奔波別錄牙籤富中  
經鈿軸羅東西曹抗抗大小西峨峨載自盈軫轂裝寧數駱  
駝五車時檢閱七閣日摩挲蓮炬分同院花輒認舊坡殿頭  
傳珥筆柳外聽鳴珂曾鞏書曾讀洪昇刻共哦文林歸  
帝鏡義海得龍梭典制

熙朝美津梁後代賦自應徵鳳翽那不育菁莪伊我懷丹槩  
終年住澗邁倉憐曹汗漫園等兔么麼繡虎才奚似雕蟲技  
若何時真憐惋晚意每惜蹉跎脈望神徒竦金根謬屢訶何  
緣藥寒餓遂得發沈疴酌海難爲蠶尋條可得柯撫心殊落  
拓此事恐媿嬰竹屋燈空擁茅簷凍又呵他時能縱目桑硯  
與重磨

檀谿拾椽集

辛酉春正月子膺志局之薦至武林雪後舉主諸城劉信芳  
師招入使院時將按試台州遂偕予爲石梁之游感知已之  
難逢喜良游之未宴竹兜烏榜卽事成詩歸途錄於山陰會  
稽之紅船二月下旬張鑑識

風雪渡錢塘

聽罷秋潮又一年鳳山門外水黏天無端虐雪饕風裏還上  
西興驛口船

穀鯨輕車簸兩輪半從煙水上江濬臨流且莫矜天塹牛角  
山河久劫塵

漏舟一曲竟如何南渡行朝本不多莫以沙蟲憐四鎮魯陽  
曾向此揮戈

偶感魯監國及張蒼水諸公  
事前明黃梨洲有行朝錄



斑竹

疏煙破晚晴參覃見寒木何年負苓人此中結茅屋仙侶不  
可逢復向山中宿歸雲沒遙岑春星帶蒼麓僕夫知我煩酌  
我一杯麴陶陶臥繩牀短夢落空谷擁被寒松颯欹枕響巖  
瀑隔籬號晨雞喬林亂飛鵬草草理行裝罷啜防風粥取徑  
望前岡濃嵐墮深竹

會墅嶺

春岫如美人林梢露斜領窈窕雙眉痕娉婷兩鬢影莽莽走  
西南煙巒越修整籃輿喜初晴四圍軸軒屏丹梯一兩盤側  
足不敢騁巖空春雪寒雲暖海日永天風激激吹彌覺衣嘗  
冷山人掘朮回門前落紅杏始知春雨深竹桁曬筇簪安得  
囊羣書此中悅清靜

楊柳河

巍巍天姥峰遙隔楊柳河山勢始一束積鐵蒼穹摩或如魚  
出汕或若蜂黏窠或點似絳跗或堆同青螺仰視迫怵惕下  
走行陂陀三復垂堂言失腳理則那幾折乃出谷厯亂明沙  
坡涓涓春泉響好鳥鳴高柯夙聞丹沙井欲訪愁媿嬰邈想  
風中琴泠泠出巖阿

清涼寺

窅然楞伽山乃有清涼寺頭陀爲開林閒房敞空翠入門禮  
金仙沿巖讀梵字花燭滿諸天禪誦悅清闕窗前柿葉堆屋  
後竹光媚食柏麝羣鳴銜花雀深墜始覺風幡空妙諦參不  
二鷓影怖大千何時徇猛鷲山僧禪味美伊蒲更羅致石壇  
不可留遙遙入松吹

石梁觀瀑

山山佛頭青水水僧眼碧今朝天台游果造梵王宅禪關兩  
衲子引我拜奇石春瀑不可駐飛流破幽壁晴雷激衆響秋  
濤捲孤白天笠銀潢傾地軸龍門折始信陽冰凝夏蟲苦頭  
責平生山水懷能著幾兩屐歸來腰腳疲茗啜臥瑤席時有  
碧桃花繽紛落仙液

中方廣藏經樓觀梵書遂宿樓下

夙願喜內典有若嗜瘡痂龍藏苦未窺雲笈空紛拏茲來山  
水窟每到佛子家熊羆遠公龕金繩破三車古樹蔭貝多幽  
禽啼頻伽蓮燈一以吹照見恒河沙觀畢復作禮面壁相吁  
嗟須臾兩荷葉遠近喧寒鴉開軒睇煙岫歷歷明晨霞惟有  
金粟影無言雙趺跏

望華頂不得上

高人拜經臺乃在華頂上中有列仙都遠接蓬萊仗白鹿飯  
松花青鸞隱蘿嶂定知洪崖子雲氣通雁宕吾行阻程期登  
高每惆悵振策鳴天風決背入崩浪始覺象緯空轉缺平楚  
曠欲劔猛虎吟敵彼小海唱雖乏濟勝資躋足一神王東嶺  
復回車長謠信瞻望

高明寺

五日行深麓四度逢精廬高明枕澗戶三面圍筵筵清磬考  
隔雲涼風盪華裾感此水田衲香積烹春蔬麤糲亦足飽淡  
食復何如佛子前致辭上客且安居單引阻場竈飛輓艱柴  
車青銅百錢強熬波一斗餘乃識府海處亦有窮鹽魚和南  
謝山僧吾將告簿書

真覺寺

今朝風日清煙散晴杲杲崩崖竹無垠山腳正迴抱盤盤千  
巖中精藍恣幽討頽垣半補蘿細徑盡埋草老僧茶色褐淡  
食面枯槁石龕伽藍欹瓦鼎旃檀少佛幢記阿麼妙義讀難  
了髣髴智者居禪寂此悟道應歎百年中未辦青精稻含睇  
雙浮圖雲端自娟好

天台縣

垂楊作微黃赤土積芳甸一掩復一重峯迴接仙縣雲孤低  
不飛谿清轉如綫敢矜兩股輕暫息雙目眴卯市山店深狼  
籍畫眉見紫筍抽山腰濁酒滿缸面爲感年華流春風坐將  
變吹燈解煩襟濯足臥深院遠憶洞中人驚紅集輕霰豈無  
勾漏砂驂鸞學脩煉

雨傘坵

巨嶂若銜鼉亂石紛鉤連鸚鵡忽飛起漾入梨花煙暖雲鬢  
溶溶香雪明娟娟山家苦心計畊作無桑田抱犢逐鮮草籠  
鵝隨新泉峨峨茶園嶺松山橫其巔我本學秦餘種樹西塞  
前結網苧爲理插籩葦新編今宵台州城曲尺還安眠桃花  
足春水夢落漁榔船

入壘嶺

到海僅百里陟巘仍千章滴瀝嵐翠濕彎環谿流長我來入  
壘嶺曲折屏風張居人編竹簿篋篋包餽糧撐拄亂衆水邪  
許回穹蒼感今語局促懷古心微茫緬昔鄭廣文偃蹇歸遐  
方鸞翻一以鍛驥足難爲償詎無埋照晦徒增濁醪傷貯情  
望木末晴雲白豪光

過江集

辛酉秋余以選科將赴

朝考舉主劉信芳師挈以計偕時瘧疾始愈青袍違養襪被登程高堂促行瘦骨欲絕余生平未曾過江過江此其始因都爲一集曰過江張鑑識

游甘露寺

阻風京口江緬昔甘露寺取徑伐荻人殘陽落寒翠鐵塔撼濤頭丹梯隱松吹浩浩地軸寬颼颼耳根異樹黑老鷓鳴潭深毒龍睡頗聞稗官言苦少石墨記云是海嶽庵鉏茅此開薙一朝換研山至今仰高致所願洽隱淪對此不能置安得玉蟾蜍重來換斯地

張秋鎮

轉粟東南遠儲胥自此供市樓明雉堞荒驛冷霜鍾時務驚秋汛流亡慘病容登來纔一月蕭槭似嚴冬

通州對月

通州城下月遙夜滿寒林爲客多鄉思離居識此心廊空聞馬語戍古入笳吟尙有垂楊樹攀條不可任

爲石庵先生題趙孟頫松谿覓句圖二首

讀書哦詩歲月道東華門外又勾留何緣展向清明日忽憶蒼茫印渚遊

錦囊到處有新詩謾謾松風拂面吹卻笑當初陳正字擁衾研墨閉門時

讀吳梅邨集和石庵相國韻

江左降旗逝水流遺聞零落倩誰收阿龍殘客平生感閣部

彈文異代愁舊苑笙歌銅狄淚故宮煙樹掖門秋蘭成腸斷  
江南賦垂死吟魂更一留

捕蝗謠

去年桑乾沒頭水九十九沽船入市今年春收幾分熟蝗蝻  
飛來齧田菽東家西家齊捕蝗道旁流民尸半僵彎彎環環  
向前拾雙眼將枯不成泣明春雖發海陵倉羸老何由轉鄉  
邑溝中捐瘠誠可憐斛米夜報輸軍前

望雲集

壬戌秋七月就試都下予初名在二等旣而復試於  
保和殿予卷落二字被黜放還舉主諸城師留予住太學鑑  
以親老辭遂決意南旋迨歸里門而倚閭之望已久題曰望  
雲以此志也張鑑識

清海縣

浮雲連朔漠急雨灑燕天荒縣留何代哀鴻集舊年棗林園  
稅促驢券客愁牽予亦東游倦南歸意渺然

交河縣

昔日交河驛清時斷戍煙黃流爭海甸秋草徧原田地濶晴  
盤馬天低暮急蟬薊門猶未遠側首亂雲前

宿蔡莊

缺月帶棗林舟子望蔣渚倦鳥趨喬柯蹇驢入門里燕地苦  
早寒已有抱瓜女舍船升崇丘幾折會通水輓粟勞古人疏  
鑿此閒始方艚蔽空江撐拄亂清泚海運肇伯顏干斛或可  
止北毳與南金徒然飽姦宄三復竹垞詩頽陽翳遙紫沙路  
上暝煙溪禽一飛起

東阿道中

齊道東南遠乘流破曉煙人歸芳草後水落暮秋前飢鳥窺  
園果畊牛臥蔣田此間曾牧馬經濟邈先賢

冬青庠集

壬戌冬十月予自京師還里吳興太守許公祖武承撫軍儀  
徵阮雲臺師命促予入署家園定省裁及浹旬不得已爲飢  
劬所迫遂至武林節院寓榻前有女貞一本結實叢茂花時  
香雪如茵卽南宋宮中所稱萬年枝一名冬青樹因以扁予  
庠焉十一月下澣張鑑識

漢王禁銅印歌

漢書元后父名禁字稚君

月精五鹿漢祚徂張永銅壁紛貞符陰爲陽雄水火殊六百

四十期不渝爰誕聖女姪從姑禁乃莽祖貔生羆刑名學成  
吏羣趨腰纏私印用自娛生沙剝落活翠枯中蟠兩字深可  
摹持刀立旆形相扶參錯史籀糾珊瑚阿誰漉井搜離朱易  
之豈惜千青蚨稚君舊事班史俱摩挲十指心煩紆五侯同  
日耀通塗煌煌歆歆金印麤未央宮中鳴笙竽老姦置醜稱  
歡愉投壘詎天羞區區欲與俱葬何其愚君印臣印徒嗟吁  
爬剔跟肘忘飢劬想窮法律操譎觚廷尉姓名播兩都有時  
掉棄如索逋好酒及色無時無甘露五鳳同隙駒一跌赤族  
輸菰蘆吉金闕人朝復哺圭角完美兼廉隅漢書侑竿例髯  
蘇對之直足傾百壺吟成交付平頭奴檐角冬青啼鵲鳴

題德清徐孝婦割股圖

北風吹女貞啞啞啼寒禽孝婦起中夜感此勞寸心尊舅忽

不樂緩和爲沈吟既乏九節菖兼少千歲葎唯有臂上肉一  
七踰南金薄俗貴苟免伐性如勿欽宏演古義士納肝遺好  
音忠孝本一致況乃匪纓簪蒼弁自言高鴻雪自言深誰將  
履霜操譜入朱絲琴

題歲暮歸省圖爲林小桐賦

霜花獵獵歲將暮有客治裝指歸路手持素紙冰雪紋邀我  
爲圖賦長句我詩我畫非所宜感君鄭重不忍辭一朝殺雞  
客曾見千里齧指人誰知登堂入室春釀熟萬樹梅花香繞  
屋獻壽梁鴻對舉盤開筵潘岳親扶轂秋來我返長安居老  
父七十頗有餘春暉草心那可道飢來驅去辭蓬廬還君此  
圖三歎息屋角慈鴉語昏黑莫笑浮雲總莫歸燈前淚漬菜  
衣濕

常山太守印歌

苔花不蝕常山字慘澹如披天寶記潼關已開河北亡青驪  
西行替戾岡羽書夜鈴金印裂舌血一噴名不滅龜鈕省識  
興元年漢銅司馬徒鑿鑄濃綠著手手生澀精靈入箱鬼母  
立秋風夜戰忠魂泣

真州眺冶山書感

曉入長蘆寺高眺真州山云有大小銅卅鑿西漢間瓦梁旣  
窈窕迎巒復彎環老滷卽山鑄往往藏其姦遠與權卽埒亂  
彼九府園一朝及括糠厥罰非千鍰害銅害豈弭辱金辱可  
患乃知富者溢不若貧者慳浩歌淚盈把夕日茱萸灣唯有  
瓜步水終古流潺湲

送許楚生歸揚州

舊年我自燕臺歸廣陵城邊秋滿衣今年君復渡江去迎鑾  
鎮前落花暮流鶯恰恰嬌春風到門正及櫻桃紅讀書未要  
功名早萬事不如歸去好天涯何苦愁芳草日暖淮南四月  
初枚皋里畔昔時廬年來同作蘇門客且著秦觀一卷書

題查士標畫

雨洗秋山高濃華夜來歇獨有紫芝翁巖居飽薇蕨一詠滄  
浪詩寒流入超忽

吳江道中

楓葉吳江道孤篷細雨通人家苦春水魚鱗足秋風卵塔窺  
波白藤花倚堞紅近來歸太僕何以利吳中

江陰縣

八月江陰縣天寒越葛輕民生菰米熟冬計木絲成霜隼晴

欺塔秋潮夜偏城君山渾咫尺想像海雲明

歲暮歸舟

北風棱棱霜氣清獨客曉發餘杭城梅花未開作珠蚌青山  
笑倒船頭橫犇波南北已十載春來冬去何所成宵長沙雁  
作爾汝白髮盡向愁邊生盤中苦酒玉練白匣裏短劍蒼龍  
聲賈生射策志不就馬周籌世心難平曉星滅沒急早起柴  
門知有兒童迎弓張帆腹頗快意不獨雲散開朝晴短衣射  
虎獨漉歎煖湯濯足彭衙行幾時卻種水田秫不愁歲月空  
崢嶸

勘書後偶成

校書日亭午一雨春風別游蜂作潮聲滿地冬青雪

吳烈婦詩



鬱鬱澗底松青青原上草卉木有本性陵谷不自保嫁女作  
門楣雞狗亦得將良人一以萎此命焉得長清晨拜牀垂上  
堂別親串嚴霜既夏零何用涉憂患著我來時襦脫我頭上  
經君舅勿復言死則爲同穴破鏡亦不磨古井亦不深南山  
白石爛不滅烈女心

關山行旅圖爲邱郢蘭索賦

老倦班生筆徒驚歲月沈雲山遲發興雨雪記登臨萬里乘  
查願千秋破浪心看君策高足中夜動長吟

東藏寺櫨子樹歌爲竺峯上人賦

禪堂櫨樹誰所植輪囷欲過海西域雲棲老衲昔手栽行腳  
攜來年月失心空百斛青茸茸兩榦決起凌霜風白蝙蝠飛  
秋月黑黃鸚鵡叫春雨濃根到九泉無曲處壽與金仙相爾

汝珠胎一結一佛號拾剩僧雛付烏鼠此衲本是儒家流織

簾之苗耽清修三年苦行影入壁有姓翻爲官人羞

萬歷中浙諸紳

士爲沈蓮池請封禪師內決鄭妃批曰姓尙未除何得云禪不允事見耳譚

青牛西引別關吏枝

葉猶留後世記幾時來傍贊公房盡掃名根息塵累攤經煮  
藥樹陰開祁孔賓且歸去來梓桐栴栳柏松桂下視凡木同  
蒿萊

蕪城集

予素無一壠之植而家逾入口硯田之入偶有不繼輒磬磬  
終歲乙丑秋仲之至廣陵也仲宣依人曼倩索米有不得已  
於中者而平山堂下之清明已漫一年矣丙寅三月張鑑識  
於揚州舊城牛泉巷阮氏之文選樓下

梅花嶺謁史閣部祠

閣部祠堂在秋原落日黃全家留愛將殘局覆辱王朱鳥罽  
愿下青菁鬣頂荒南天有逸史馮眺淚沾裳

華頂觀雲圖歌爲李白樓索賦

白也昨向檣谿歸手提障子剛四尺自言身挂綠玉杖鳥道  
盤空過桐柏臞僧煮飯雲生時晴天莽莽風絲絲清涼寺邊  
止一縷山腹已似鱗之而一朵墜地一朵起前者崩濤後驚  
兕雨人風母根柢空倒捲瓊田入海水石梁脊冷吹天風下  
視一氣龍所宮籛籛急出破甑底騏驎亂踏鹽池東天胎一  
萬八千丈呼吸遠接仙人掌須臾一掃雲母空萬里山光入  
疏宕昔年看瀑上赤城咫尺不向華頂行仙娃笑人眼福薄  
安得騎鶴吹鵝笙安得騎鶴吹鵝笙捲圖素壁還送君山童  
黃梁且漫熟被絮蒙頭夢白雲

過明顧侯墓

白楊蕭蕭入秋雨墓門老鴉作鬼語廣陵城南燐火青翁仲  
無言別寒楚行人能說故侯家故侯當日鳴金笳會舉姑蔑  
青龍罕親奪單于白鼻騮羣雄割據真蛾子破敵歸來九重  
美須眉已畫南薰壁功業還歸柱下史紛紛甲第起連雲鐵  
券丹書事總聞新昌里接鸞簫隊履道坊成鶴蓋羣可憐一  
旦輻車杳漆火熒熒秋夜曉銀蠶朝閉芻靈空粉字春寒丹  
旒小小侯五姓朱輪馳萬厯年間尙足思一垂故國銅仙淚  
此墓淒涼不可知誰知十萬防河卒欲輓軍儲利吳越朝掘  
墳頭未到棺暮捐墳根已摧骨子孫雖存那可收黃金摸盡  
作寒湫祇將題湊分同穴獨抱殘碑哭九秋吾師家居惜文  
字步履秋原客同至開平舊是灌蔬丁邵陵誰識種瓜地柴

門無人秋草紅七十老翁前鞠躬疥壁隱文瘞輒出殘礎留  
碣龜趺空以帚來埽字明滅鈴山堂文一披閱苔文不蝕蕩  
寇勲蝸涎欲沒征南伐清門爲庶凡幾年秋蟀春鷓傍冢眠  
清明麥飯枯體泣社日蘭盆木客憐旂常舊業今已矣七葉  
金貂西逝水有子徒歸廝養家生男半入屠沽市同人問訊  
重淒迷漏火尋羊理亦齊君不見雨花巖畔瓦官閣松柏摧  
殘石馬嘶

中秋後一日宿曲江亭待月不得

一宿江亭有所思鷺濤聲上海門遲徒傳居士能爲賦始識  
錢唐誤入詩風葉半天涼似雨露蒼八月細於絲今宵欲共  
秋蟾約弦管無馮未解吹

後冬青席集

雲臺中丞之再撫兩浙也實於戊辰三月鑑時持默齋府君  
之服未導明年正月屆禫乃始訂其有韻之語先後雜次未  
敢忘啁嘲之痛也張鑑識

西湖話別弟二圖爲朱職方同年某堂作

五年湖上負嬉春錄別花前恨轉新芳草似知遊子懶東風  
偏與故人親千秋事業成須早一卷丹鉛誤已頻此去相思  
重搔首金臺曉日隔黃塵

題揚州江氏兄弟怡怡圖

卅年姜被讀書雞尺布聲高意轉迷誰向江南尋二陸白頭  
風雨屋東西

廣陵耆舊久淒涼把卷花陰日正長想見惠連殘夢破一池  
春草在西堂

冬青館乙集卷一  
韋家花樹謝家詩除卻眉山總不知偏有卯君佳子弟百年  
重訂脊令詞

題友人更生圖

鴨頭欲綠春雨乾葑雲千尺回晴瀾藏鴉門外喚搖碧槳牙  
呶啞窮追攀竭來詩翁一蹉跌有若峻坂流銅丸水府之官  
敢邀致犇波怪物飛驚湍須臾卻立出水底寒蛟脫魯鴻漸  
磐眼花落井豈其例蘇潭月上方團團吟成束笋肯送似披  
圖彷彿零丁看他時校書署七略一笑臣向何寒酸

題奚鐵生雪泉圖

積素耿孤岑澗戶瀑初凍何許薜蘿人開軒獨尋諷初疑藍  
田莊蕉樹或不種歲寒同此期并作梁谿夢一詠青苔篇雲  
繁鶴聲重

爲陳桂堂太守畫五十學書圖并題五絕

頻年東抹又西塗白笑縣槌十指麤偏有中條山下筆爲公  
重譜學書圖

那能學畫更同書斂盡薑芽兩不如舉似先生渾一笑未消  
分與百車渠

六草三真總軼羣閒來揮翰落煙雲有誰解與松紋紙絕似  
羊欣白練裘

董張家法擅當時可要文清作本師彷彿東華門外住嚴風

斜日見臨池

予辛酉至京主石庵相國家每五六月相國  
輒置酒邀予視書須臾數十紙揮灑略盡

五年相見鬢成星曾寫山陰道士經若得分將三兩卷此圖

聊當賺蘭亭

題楊小亭蕉窗讀書圖

關西風調世應孤暇日能為翰墨娛種得蕉如懷素宅藏來  
畫滿長康厨晴天曝後看嫌少雨夜聽殘論亦殊徑欲破除塵  
網盡相從勝作列仙驪山劍士盤谷野人跌三兩欲也圖

六草三真神筆筆來戰陣驚雲有龍噴泉公孫孫醉  
衣與百車果

年與日懸燧

不與日懸燧

不與日懸燧

冬青館乙集卷二

詩二

北征集

已巳秋鑑隨雲臺師星輶北上車中擁被微吟暮宿荒坵於  
土炕上索老瓦盆磨墨汁記之語無倫次棄去久矣明年春  
日稍和尋檢舊簾輒過而存之亦做帚之意云爾因附以京  
師所得共若干首都為一集庚午正月十九日張鑑記於京  
師宣武門內太僕寺街之衍聖公舊邸

飢鶴歎

舟次毘陵鄰舟有籠雙鶴將以貢 上方者感而  
賦此

仙人騎驥生青田養成丹頂將千年山中歲晏芝草爛網羅  
隕折繁霜天羽毛翦鍛樊籠閉搖翮終日思凌煙那無蝦魚  
足晚食何有杉檜供晨眠舊侶半失沃洲寺靈匹豈約黃樞  
泉我生感此再三歎舟人肯爲停酒船借問買此何所用將  
貢天府值萬錢回頭語鶴莫惆悵此行乘軒非無緣鶴聞轉  
目對以臆感君情義相周旋石壇自樂松蠹美  
禁籞豈慕官庖羶君不見千年華表令威歎有銘寧勒焦山  
巔

過揚州見江鄭堂

潘

飛觥握槊氣如虹卅載吳門作寓公金石滿牀長手拓圖書  
萬卷應身通九師說易讐王弼四座留賓學孔融我愧盧仝  
君馬異結交聊見古人風

訪姚殿撰秋農先生

久思虞祕監相見竹西亭才自高春榜名先在

御屏奇文辨蒼雅新著富圖經應有石渠論當求永夜聽

過邵伯有懷焦理堂

經年不見劉文學著作荒江閉講堂說禮定超鈞命訣割園

從演借根方宦游鄭穆寒氊在

謂汪廣文萊

病目張湛宿草荒

謂

進士延堪何日樊梁湖上權煮魚剝鱗共徜徉

高郵

秦郵才百里已失露筋祠暮雨葵花瘦秋雲鷺鳥窺城空盃  
勢見隄遠綫形支欲問防河使頻年幾費思

二十三日自寶應坐肩輿至淮安

已巳斗插酉束裝將北游清淮決白馬洪濤絕邗溝箕風揚

其沙乃舍汜光舟筍將涉修坂晴日明雙眸烏犍出遠甸白鷺鳴芳洲高粱穗搖曳喬麥花紛稠瑟然草木落正作淮南秋隄高見鳥背浪急濺屋頭淮強河愈強誰辦洪澤憂薄暝投逆旅摒擋連更籌仰看天軸側西沒低女牛風色屈授衣役車安可休不眠先鳥起涼蛩聲啾啾寄語同袍人努力勸前修

自淮安至清江渡河

褰裳登大隄高眺桐柏水一石三斗泥誰云足清泚巨浪急鼉犇回湍颯鷺止屏息出長年動色若灰死飯畢上籃輿沿波探水理南埒北乃漲實與海豐似眉掃將東箱柴盤必西峙我聞滾塗法其妙實一揆子輿善觀瀾無事智之始落日風塵昏遂達清江涘隄仄勢建瓴爲魚懼屢徙洪濤鑿呂梁

未識中流砥片帆亂黃流浩浩波益詭悲哉神禹功敢告防河士

崔鎮

茆店行益早結束未辨色羸糲飽吾腸出門看北極天船已西傾參旗漸東側荒雞鳴膠膠沙樹徑轉黑殘夢續車輪團團照初日穉犢出廣場高雄下叢棘曲沼澆寒湫磽畦獲新秣果菰告有年甘苦齊結實小市足來牟原民識梨栗林垆曠以遠人物古而質誰爲下相人復此鍾吾國佇憶吹簫儔寒原氣蕭瑟濡軌濟淺流馬行初及膝時逢枳殼林知是淮

南橋

泰安府

竭來羊流玷徂徠控其左亢父在何許蒼蒼但岐峨漱馬凌

晨霞卓午再炙輟瓜架尙斑爛棗葉漸頽墮居毗爭種梨山  
婦習騎馬遙望太岱巔巖巖出平野封石漢代留天書宋時  
假七十二禪君神茅說儒者作宗自古初分嶽載典雅嵐氣  
徧羣神靈爽颯中夏盤盤三門高泱泱五汶瀉我思日觀峯  
行程不我可回駕謝山靈黃塵沒兩蹠繩牀聊復安疲牡亦  
當序

岱廟

靈威仰帝颯高寒到此真成眼界寬上古春巡曾瑞輯千秋  
東禪幾封乾石壇古柏來風雨畫壁羣神奉敦盤安得飛輪  
凌日觀看回曦馭不辭難

自官橋至三家站

清曉發雄關北風吹馬耳木葉浩然脫荒雞鳴不已芝屨越

白溝洪波流瀾瀾憶昔慶厯初金遼實脣齒釀釁海上盟爭  
桑從此始燕雲十六州如礪奚足喜拓地本難耕割城亦廢  
壘徒增歲幣輸不掩南渡恥至今土炕邊只堪牧雞豕芣苢  
生蹄涔啄木下園柿金笳當晨吹蘆管遠戍起晚秋已早寒  
結衣僵十指何處聞和戎攬轡石湖氏遙遙天水年如讀靖  
康史

題石亭遺照爲吳梅梁同年賦

柯亭風月本清嚴誰復聲名比吏廉看取門前數株柳臨溪  
拂水似陶潛  
鑑湖春日曉蒼蒼無數清陰覆石牀想見諸孫讀書處蕭疎  
留得舊青楊

爲馮茂才

永清

題蝴蝶畫障



謝家詩句我曾知祇在梨花柳絮時應是香濃飛不出素衣  
從此化爲緇

殘香緊抱恣春游不鬪花街與酒樓說與蜻蜓渾未解任渠  
飛上玉搔頭

東風吹處舞成團莫遣京華客裏看一夜鄉心隨夢去碧瀾  
堂外杏花殘

題趙忠毅公手書詩卷後

熹廟同文獄誰憐高邑心書名魁點將講學繼東林一疏神  
羊伏千秋味檠吟皂雕方衆正委鬼復僉王甘露奇謀洩紅  
丸禍本深左楊五虎盡周繆六芝沈感激留詩卷流離戍隴  
陰寸丹孤太白殘素匹南金舊史宮鄰失龍蛇墨瀋尋蒼涼  
如意舞霜氣入華簪

信芳師以扇索畫卽呈

游仙曾記到檣谿躑躅花開草未齊十載光陰同一映春風  
吹夢石梁西

花宮桐柏雨冥冥到處仙巖佛髻青安得洪厓除玉詔重騎  
白鳳扣雲扃

歐門恩誼重依依來本無心去亦非畢竟畫成還自笑釣師  
何日著紅衣

南游集

庚午秋九月吳縣潘芝軒師奉

命視學西江鑑隨侍至豫章寒原蕭瑟雲木參覃偶有所觸  
抒其抑塞工拙都不計也時十一月十有二日張鑑春治甫  
書於南昌學署之多識前言往行之齋

冬書  
雄關曉發

海上爭盟十六州  
燕雲西望颯深秋  
金縉空笑稱臣議  
鼓角難銷割地羞  
易水波寒帆腹飽  
瓦橋霜滑馬蹄遒  
木波去後遺殘壘  
衰柳棲鴉剩白溝

在平道中

舊年九月江南來  
今年十月江西去  
人生飄瞥如寒蓬  
世事浮沈若曉露  
但知擁鼻吟四愁  
誰爲張髯說五蠹  
東雲潑墨壓征裘  
宿霧散絲濕沙路  
疲驢遠企東阿城  
陽烏先下高唐樹  
風饗老木吹竟空  
暖勒霜禽起還住  
千莖白髮愁中生  
歲晏山空日遲暮  
無花莫問魯連村  
有酒誰澆馬周墓  
青瑣只恐誤儒冠  
悔不從前織漁具  
十年詞賦歎病梨  
空鑄頑金六州錯

徐州渡黃河

河溜趨東仄沙椿接北低  
屋山如釜沒塔級共帆齊  
髡柳經秋盡哀鴻入夜啼  
幾家藏水帶好爲築金隄

渡溱陽

南歸仍復不還家  
兩度春明感歲華  
羸得青衫清淚濕  
江聲嗚咽似琵琶

一聲征雁夜初霜  
書札鄉園正渺茫  
爲報故人憔悴甚  
荻花楓葉滿溱陽

小雪纔添一夜寒  
北來車馬路偏難  
風神應笑才情減  
不比當時王子安

自九江登岸至東林寺

九江郭門辭松舟  
城隅一徑盤秋蛇  
梯青無屐陟危磴  
遠睇

已覺香鑪賒乾風蕭滅刷僵木歸雲窈窕曳女蘿側峰橫嶺  
不知處眼中突兀明青巖孟冬天氣特妍暖交枝接葉開山  
茶田盤竹箐疑過虎天池沙冷聞飛鵝仙鹿不可見兩首靈  
藥只恐生三極東林咫尺亦難到香山詩好誰能那忽聞流  
泉響竽筑虎谿已過金仙家隱居只合在栗里攢眉吾意其  
蹉跎

### 寄阮集

辛未殘冬鑑去京師辭儀徵阮師已期年矣先生移之書曰  
昔人以詩寄漁洋名其集爲寄阮今人不當如是耶鑑因輯  
其辛未一歲之作都爲一冊慨前塵之易謝思後會之無因  
郵寄東華聊爲請益壬申三之日張鑑書於西江學舍

### 鐵樹溪

寒雲潑墨濃溪水亂深黑雨後竹箭流怒與石相直輿夫褰  
其裳一步十偃側天低樹影沈道遠日輪昃荒塗披榛芳窘  
步躡黍稷誰令聞雞興及暮尙喘息一歌行路難從者面槁  
色天衢不可攀奮飛少兩翼吾家茗雪間婦子習耕織何不  
歸去來時窮食我力

### 土岡

樹杪開新霽羣峰入望明槍籬日及落暖水活東生時候增  
鄉緒登高念遠行袁江楊柳徧攀折不勝情

### 牛鼻山至分宜縣

重巒曲且長蒼然見平野何許讀書臺遠倚鈴岡下記昔嘉  
靖中盜柄鈞叟假危言抗忠愍一疏蹶飄瓦至今冰山錄徒  
費寫官寫可憐山水英不能洗醜醜羣巒頗崦岬雜木盡姚

冬青集卷二  
冶松苗新粉抽石罅哀湍瀉朗吟弇州詩春田淚盈把

昌山峽

春山蒼蒼馬銜尾巨靈蹠處開一門哀湍萬壑互奔注盤渦  
虎眼搖松根吾來屏軒值猛雨櫻欄酣戰風雷吞鐵索連船  
水深黑岸北捲墨朝雲昏洄洄巒翠未易出衣棧宛齧春濤  
痕須臾過峽雨亦緩水裡拂拂垂孤邨平臯鵝鸛飛可下頽  
岸躑躅枝堪捫山家圓篷犢背臥估客三板沙尾喧依然遠  
岫落煙海山頂亂插雲光繁饋餽一氣滃遙樹高眺已失袁  
山尊涼波衝寒止復作森森銀竹愁翻盆松巢自怖老鴿影  
茅屋欲斷桃花魂半峰窈窕矗天外衆流瀾瀾爭一源長謠  
敵彼小海唱摩崖安得凌朝暎

袁州見兒子滄

見汝袁州市依人計可憐離家過千里別我正三年歸思浮  
雲外生涯漆鏡邊相看兩不語揮手一潸然

昌山道中口占

電光石火且淹留瞥眼真成不繫舟十日宜春臺下住滿天  
梅雨似深秋

豪風猛雨動清晨一望山嵐鼠尾紱來向雨來去雨去櫻欄  
花底過宜春

昌山道中口占

一峰如吐夔一峰如渴驥高下十百峰眼纈不能記出谷又  
入谷四面環溼翠何處桃花源可望亦可至山田圍十雙茅  
屋架三四開門春瀑飛隔隴竹雞睡碗豆蔓交午蒼松粒蠱  
屑老農罷春耕飯牛無一事餘生何臯牢感慨輒心醉安用

絆塵鞿還家事荷蕢仙鄉難淹留筍輿向鹿柴尚有棠梨華  
風急衣裳墜

灘行口號六首

顛石磬磬水勢回灘聲終古下晴雷誰教蜚雨蠻風裏廿日  
虔州兩度來

一聲戩楫日方中纔過黃公第二洪箐密曉吹山鬼雨湫深  
夜上鱷魚風

篙師併力與灘爭數到銅盤尙幾程石似江豚排浪出人同  
秋雁帖波行

高榕無際綠陰圓望裏梅關但曉煙主簿功曹

鳥名

多不語

數峰青入鷓鴣天

浪傳射虎過寒林並少艾魚渡曲潯漁艇雨昏烏鬼集叢祠

月黑竹郎吟

青山鎮日急奔波下瀨船來一葉過不信南安在天上全憑  
張李兩哥哥

雨中過攸鎮

細雨濕寒翠濃雲四面飛嚴風吹席帽凍色上秋衣賭酒憑  
山市餐魚問釣磯人家半水閣盡日掩雙扉

小溪

已過南康縣天寒雁未飛水清漁戶少沙軟蔗田肥歲暮憐  
羈客他鄉尙薄衣何年買陽羨早息漢陰機

疆桐館集

辛未冬西江學使者院火予雜文自己已後者悉被焚去詩  
集以行篋自隨得存十之六七旣而少宰師新其官舍予屋

背倚修桐一本初爲火氣所鑠蕉萃其半慨爨下之猶存託  
孤生之餘緒名其館宜名其集尤宜也因輯壬申一歲之作  
名之曰礪桐館集張鑑識

二月二十二日渡章江

作客逢寒日臨流念遠行鷺拳春水活花發午峰晴畫蝶雄  
藩去鳴鸞幕府輕愁同芳草綠隨意出江城

清明日見桃花

爛漫真憐汝相逢楚水濱難邀劉子驥空對息夫人何日逃  
塵鞅還家買釣輪春江高浪靜愁絕一枝新

星子縣曉發辭匡廬

星落宿鳥啼巾車遠將發無復欸松門依然徑林窟晴嵐敞  
九奇日午尙未沒盤盤石子山枳花殊已歇委鸞不可逢遲

回別瑤闕安得雲母碓使吾綠毛髮再與山靈期秋巖采薇  
蕨

都昌縣

都昌三月雨濛濛路繞鄱陽湖水東寒澗百環鳴筑裏煙嵐  
四面畫屏中嶺深茸鹿眠濃翠谷斷飢禽蹴碎紅但有草堂  
牢結構不須料理乞盧鴻

弋陽

遙峯三十二幾折入清暉水急沈雲碓農閒掩竹扉四圍樅  
檜密兩岸鷺鷥飛應歎勞生者漁樵無是非

途中見雁

一片瀟湘影相逢客路閒舊愁丁字沾新緒落星灣萬里寒  
雲白千峯夕照殷南來仍是寄春暮好飛還

北蘭寺

三年住章江將歸忽不樂已辭北蘭寺悵望秋屏閣微波碧  
於落霏葉歇復作春風解留人時向華裾落

過瑞洪

短櫂劃彭蠡今朝果到家溪明時見石波折忽生沙密樹疑  
成雨深山未著花不愁歧路失此去少三義

貴溪道中

買得安仁三板船簾條終日滯沿緣半篙活水生春雨數點  
梅花破夕煙歸路已知嚴瀨近舊游曾過弋陽前谷陵不改  
溪禽語女堞低迷露遠天

烏石灘

辭舟已登陸遵渚復舍輿窈窕烏篷船行行至桐廬青山夾

兩岬一水明空虛山家解種竹居人爭采魚豈謂桃花源乃  
在義熙餘我欲買薄田此間雜樵漁辟穀固未能誅茅尙可  
居縱無麋鹿侶邈想羲農初試過香乳巖抄入桐君書

鷓鴣步

東漢羊裘翁乃娶梅福女世事有夙根麒麟不生兕當其來  
吳市意已輕黃綺壻鄉日月閒高節殆無比富貴如浮雲妻  
子脫敝屣萬乘枉自屈堅臥不肯起無謂巢許微事竟關天  
紀加腹晒狂奴伸足奏太史飄然還山中山水清且美薄暮  
度釣壇寒風颯衣履想見千載前投綸向溪水古人不可期  
長嘯動潛鯉

淮南集

予歸自西江未經兩月而雲師已以漕帥駐節淮陰書來敦

冬青集乙集卷二  
促遂買權過之留滯二年都爲一集雪泥鴻爪不足喻其飄忽也時癸酉至甲戌凡十五日張鑑識

題阮梅未先生珠湖漁隱圖

一領蓑衣踏浪遲記曾堆向晚晴時誰能甓社湖邊住領畧楊家七字詩

鏡面平揩淨不流老魚吹雪一湖秋明朝走馬蘭臺去恐要珊瑚作釣鈎

吾家舊住茗溪曲荷葉當門不可芟叢話近來無一卷可能同署隱君銜

臨頓里集

甲戌秋再自豫章還里將授徒鄉園不復作遠游之計矣無如家無長物甑有餘塵分鄭虔之檀割華歆之席不得已也

因館潘師第卽其地以名之曰臨頓里集張鑑春治甫識

鳳池園仿青邱次皮陸倡和韻十首同潘功甫星齋

紱庭昆季賦

臨頓橋邊宅高人舊卜居室縣留宿榻架插待鈔書喬木來馴鳥空潭上種魚看君振夕秀排纂定盈車

四壁泥新粉三重結舊茅階分苜草席徑轉海棠巢樹蕙扶長鋪浮醺列苦匏蒿萊渾不薙二仲近相交

菌閣開春晝花光暎麂牀繪圖參字母鑄像禮詩王癖潔鶴同瘦淫書蜂比忙詞壇牛耳在滕薛莫爭疆

柏久蚪能舞梅芳蝶不知樓高鵲戶直人淡菊糧資丸藥煩松子張琴喚雪兒巢居無一事日日有新詩

謾謾雙松閣蓑蓑六枳扉晚煙迷竹粉春雨長苔衣掠檻流



冬青集乙集卷二  
鶯過衝簾乳燕歸到來塵慮滌所得在元微  
岍仄宜垂釣門閒少過車移厨看曝畫貯甕學澆花勾漏仙  
人井襄陽漫士家若教分片席列筮種菅麻  
每集分牋侶巖花信未殘夏涼風一簞春暖日三竿洗硯搗  
荷袖投壺整籜冠日斜人散去屐齒滿苔壇  
倚杏沾紅雨團蕉展綠天高柯招宿鷺低刺礙飛蟬窗下宜  
評帖燈前愜注元籠頭有紗帽親煮弟三泉  
閒閒剛十畝長日自關門讓月疎簾額防池護樹根藤髭窺  
鏡局瓦雀浴山盆一獻如鸞鳳新桐又引孫  
交呂吾何有攀嵇亦未能升沈魚鳥異朝野墨茶憎酒郡桐  
圭錫香材鶴餉微斜川游息地疎放得橫肱

題釣月圖二首

揭來吳市五年餘泊宅村邊負網車只要一舟如舴艋不妨  
震澤釣鱸魚

經時無雨驗秋星任祝萍號更不靈縱有志和新樂府那堪

吹箏教樵青

時亢旱六月  
不雨至八月

林屋洞天集

浪蹟卅載頗似游仙淡悶稍瘳欣然鼓櫂予來包山主人坐  
我於消夏灣之南樓每值古岍過雨高蘿蔭流偶有所作合  
爲一集壬午十月小羅浮山人張鑑識

蔣南沙相國畫雞冠花幅爲葛香士索賦

蕤鱸誰復計鄉思秋老江南尙未知惆悵東華門外見五更  
霜月早朝時

西亭景物九秋寒七尺珊瑚亞石欄不信平泉閒草木西風

總向畫圖看

題倪鴻寶山水香士索賦

歌舞豪華事已陳  
衣雲閣迥黯傷神  
豈知白馬清流禍  
落落中朝有幾人

樹石蕭森氣味閒  
不須刻意貌荆關  
故應碧血千秋在  
染作江南雨後山

題計秋琴種瓜圖

十載名場擺脫遲  
孫生蘆菔芥添兒  
秋琴與子近皆有孫  
紫茄白苧閒收拾  
自此同師汜勝之

麋眼笆籬牡蠣墻  
一牛鳴地近東岡  
邇來步隲無如我  
虎掌狸頭好細量

舊屋溪南一徑穿  
依然蘆雪并菰煙  
無端觸撥東陵計  
擬賃

冬瓜堰外田

山薑葉老韭花初  
南畝霜墜手自鋤  
一笑今年秋思好  
頭銜新署卞田居

茅齋長日肯留賓  
說劍譚詩到每頻  
折項爛蒸無不可  
從今莫笑庾郎貧

寒山偕隱舊家風  
可奈秋來雨腳空  
祇恐朝朝行汲懶  
四婆裙後且相從

今年秋旱故用楊朴語以調之

葛母吳太孺人節孝詩

石公山頭千尺松  
一枝慘裂冰霜容  
良人遠去湘水曲  
誰復佐餒兼尸饗  
秋宵鬼母驅兩豎  
阿婆牀上氣一縷  
北辰難禱醫扁逃  
持匕向空淚濺雨  
一片剗落心上  
盍柏花燈暗天低  
昂還丹入喉痼疾起  
滿房散作旃檀香  
烏頭之節一萬日到

此方能入貞石澗中白石山頭松血淚斑斑化成碧

為陳抱之作學書圖成並題三絕

辰州太守舊相從老去臨池筆未慵今日薑芽仍斂手愧他

湖海兩元龍

子在武林曾為陳桂堂太守廷慶作五十學書圖忽忽十餘載矣

墨妙亭荒失舊聞晴窗重與展溪紋肥環瘦燕誰爭得都上

羊家白練裙

立旆持刀古意存每將金石破朝昏俗書自是羲之體不用

靈脾驗漬痕

君金石皆有成書

徐若若息舫園圖

南州高士宿生緣記欵園扉又隔年築室竟能連福地隱居  
初未負花天銘心粉墨香為積列坐琴樽屋似船那不相期  
看玉茗到來須趁暮春前

和徐香圃山齋種菊之作

言有幽棲處山深似綺園交人成水淡種菊破霜痕笑語春  
溫洽琴書古道存何時偕勝侶花外欵衡門

桑苧園丁集

予每擬十畝一椽長作農人以沒齒而在萬年光久而未遂  
自癸未冬初旋里則一屢風雨不隔市闔雖水母目蝦此境  
少舒而塵俗如故皮陸前志何日忘之茗上張鑑識

題邵菊人鉏月種花圖

茅檐散溪雲月色忽到地高人有花期中夜耿無睡荷鉏破  
蒼苔鶴去人始至轉覺香海嚴得此聞根治吾亦山中人言  
念山中事鄧尉春風時夢向重湖墜

黃小山畫鍾馗按樂圖為吳月樓索賦

圖作一童吹洞簫進士執

敬板  
和之

開元科第盛燕許終南之葵色先沮承明一試卽歸來送窮  
無車通鬼語作使山精卜歸妹土伯方良豈其侶三郎避瘡  
臺不成大鬼小鬼相縱橫花奴羯鼓玉環笛殿前偷按同雷  
鳴爲梟爲蜮爲貫魚掖庭將作修羅城先輩聞之齧兩齒百  
結襴衫尙利市手抉木怪追花妖世上功名一夢耳糞除帝  
闕完宮縣節拍紅牙歌綠水膏肓有豎眉如蛾環佩不歸金  
粟坡賚弼無人蜀岡幸掀髯一笑還山阿試聽先輩鈞天唱  
較勝霓裳舊序多

僧幻園秋山問道圖

打包行腳苦搏沙鹿苑秋山路不賒誠重勞輕人莫笑幾經  
進影撥煙霞

清涼高處翠紆盤落落長松八月寒知爾一燈傳自昔金沙  
脫屣本無難

貞松慈竹圖爲唐子珊作

江鄉門巷日悒悒松蓋凌霄竹翠深自是少年同百藥秋風  
長抱歲寒心  
畫眉橋下水通流鶯脰湖濬記繫舟他日北堂還拜母勸栽  
護草足忘憂

約友人訪菊

半羸扶病罷閒行香滿東籬恰有情此再除花真歲晚忍教  
爽約負秋晴午蜂趁日先魂斷寒蝶經霜但目成安得官方  
開酒禁陶然浮白足餘生

題沈退甫丸熊圖

獵後天山一七鮮桐雷妙訣肯曾傳誰知顛顛盤中藥心血  
丸成十五年  
長年佐讀淚先枯看抱遺經入畫圖報答此心原有術卻教  
書卷勝萱蘇  
老去無成兩鬢寒感人明發涕洟瀾舊時經史渾忘卻尚欲  
從君給一丸

痺風集

鑑於丙戌春自包山歸時年已五十有九不意復嬰風疾幾  
至不起後漸能運轉不勝攣蹙攷古人如習鑿齒皇甫謐周  
續之諸儒均患是病甚至武人如哥舒翰晚年亦深以爲累  
稽前賢之遺躅歎我生之不辰遂綜其詩曰痺風集貞疾居  
士鑑書

水災紀事冊爲王硯農索賦

道光三年吳中大水硯農以勸分倡於鄉因屬蔣  
子延繪其事成十二冊已丑春過草堂索詩因同  
其意

縣雨

水沒頭雨沒尾盲風兼旬吹不已苦竹叢深日鳩語逐婦聲  
高人轉哭老魚橫飛上鄰屋

踏車

上留田水沒狗下溪田水漂曰三男五女踏水車犖犖确确  
蛻骨蛇杷頭菌出鎌衣長今年水腳過兩丈

築壩

蟻穴漏金隄大小理則齊屯皮木椿須應手鳴鑼集夫防決

口白版雙扉復何有

衣且置補種

夏至未至鷓旦叫勤者翻被惰者笑刺水綠鍼日夜黃舴艋  
重買來山鄉補未完雨不止早秧遲秧一例死

### 風暴

五旬雨七月風黑雲如磐龍挂空石飛沙走作風暴老鼉入  
市瘦蛟導帝遣天吳爲海嘯

### 報荒

鴛鴦飛飛滿四野此災百年僅見者扶老挈弱號縣門縣官  
何日行鄉村不是風潮小損稼搥鼓攀轅府帖下

### 流徙

邨邨移家具爭權櫬頭艇何許可藏身梯空羨松頂蛙產竈

魚入門跳珠急雨還翻盆

### 撈棺

白楊樹根浪頭大破冢漆燈無一箇兩和已齧題字稀撈來  
撈去滿鈞磯陽侯虐過摸金尉忍此萬千若敖之鬼無所歸

### 勘災

濕旗吹船鳴菰蒲魚頭小吏左右趨官來勘災行不紆里正  
諾諾復喑喑青黃無期患煎迫茫茫殆徧魚鱗冊

### 大賑

梵鐘初動寺門啟

皇仁給帑復給米朝起望晨光車輪歷碌摧肝腸道長腹餒  
走且僵蘆蕨暮捲上北邙

蘆蕨見南史劉歊傳

助賑

常平倉空當勸分指困納粟沸若雲春陵宰固美子敬心亦  
勤論升論合論錙黍魚行蟻戴未滿筥挖肉補瘡不如稻

春熟

一年無禾猶可十年無蠶則那桑空閒斧柯鈎絲不上鄰女  
梭良苗懷新幸春熟交午漲痕在頽屋墻角枯桑長芒綠

輓計秋琴

溪南辛愿久知交卅載人琴竟永拋卮酒可沾常劇醉異書  
能借許傳鈔半窗殘墨留餘瀋三徑秋花圻舊苞記得少年  
同讀處不堪簾戶網蟪蛄

題張春水載酒盟鷗圖

湖上香林記結鄰舊游漂泊等游塵重來搖碧齋中坐多恐  
閒鷗亦避人

題王臺叔石公攬勝圖

四年住林屋疾被煙霞痼既習崦裏行復縱曠中步芝髓固  
難期園綺有時遇別來六七稔夢繞曲巖樹之子墨佐君乃  
擅濟勝具籬籬八尺風一鳥衝煙渡山根證石板靈修導先  
路上梯摩蒼穹下肺墜寒霧仙隴鬱盤礴精藍莽回互此時  
拜東野雲龍願比附吾昔成洞書予在包山成洞書得十六篇聚米若計  
數譬之孤竹馬索塗免迷誤好處無境刪好境無處住二句襲美  
明月灣西峰復東灣太息松陵句名利何不捐魚鳥且無妒  
相約在耦耕登高尙能賦

春水以癸未水屋圖屬題率成一絕

水利三吳本可商十年往事欲沾裳眼中老屋依然在人說  
雲龍舊草堂

西齋道汪半聾一藥別三十載今年以畧似人形圖索題爲

嗒然槁木且忘形中有天全特自銘說與二豪渾不識蝶羸

終日祝螟蛉終日祝螟蛉紛紛牛馬任人呼漢柏秦灰志未孤幸不似他陶學士免教

依樣畫葫蘆依樣畫葫蘆媿妍都在水中央夢醒華胥枉主張得骨得皮皆自取與君

竿木且登場竿木且登場百年過眼閱風燈作畫評詩苦沸騰聞道東坡有交割窮人

具又付龔丞具又付龔丞琅嬛館裏逢君後難倩長繩駐日馳三十年來一彈指髯眉

同不似前時同不似前時

輓金山甫

硯席開窮巷天教一月留才原難活命貧竟不堪憂家計朋

儕賴遺編弟子收兌庵新寓齋名花草在身世比蜉蝣

長夏有懷鐵花抱之長夏有懷鐵花抱之火雲蒸得肉山頽長日拋書望落暉誰似溪西八义手圖經

十道晚涼開十道晚涼開一麾江左氣如雲金石時時聽策勳三載相思不相見故山

猿鶴悵移文猿鶴悵移文許海樵以其徒種竹圖索詩因書

田園雖轉蕪經史豈云熟抱此歲寒心苦未離塵俗吾友不

速來示我紙一束言得王子猷繞池植修竹能詩交賢豪礪

柯多節目時持冰雪杖步出西堂讀秋溪巾舄涼日薄須眉



綠我欲往從之相期海禺麓何以致勿謾頌借垞南屋  
硯農以蔣子延令子仲籬畫見示題句奉懷  
不見蔣君久艱難藉子扶浪傳支酒粟笑比詒癡符攘攘人  
情熟區區吾道孤何時憑短權重過慰菰蘆

井叔集

予既編正集意謂此後當十年成一編今自戊子至丁酉忽  
忽浹旬中秋前溽暑殿門命孫徒輩秋蛇春蚓錄爲一表而  
四方友朋猶追索不已將更發軔無以名集余左手舊有文  
作井字初不自揆取以題之易曰井養不窮七十之年復何  
可冀幸無代庖之累當免臣媵之羞丁酉中秋日張鑑識

計二田

光炳

冷音閣校詩圖

二田得其族祖茶邨遺詩將校而刊之乃譜此圖

茶邨甫草子也祖青麟先生復社巨擘

高閣疎林外攤書日掩門淵源文苑舊家世黨人尊葉掃秋  
燈永鉛研春露繁百年聊晤對風雨正忘言

采藥引贈醫者陸蘭畹

世無桐君與雷公靈苗天闕深山中先生好古具妙用遠接  
陶葛追游蹤手持綠玉杖力求上藥還神農華佗弟子吳普  
注不得散出四海誇元功吾少圖不朽咽氣服食亦時有失  
足輒紅塵六十歸來不良走三極人葠愁刀圭九節菖蒲虛  
杵日蕙苴無功芎藭荒長年咄咄望山藪知君濟世肯招邀  
欲往從之不憚遙垂雲笠長生瓢衫子四尺須紅蕉木瓜酒  
注魏惠壺青菁飯抄不拄杓縱無長耳號雪精且買兩角名  
郭椒花前相見一笑讎誰其畫者入丹粉先生自是古接輿

予非張果亦張蘊五童橋栗木葛柘日劇長纜試松菌爛柯  
山下迴巾車金華洞中滯修軫長卿花簡子藤取之以證本  
草經金匱玉版始可讀圖之說之皆真形有唐蘇恭掌禹錫  
所不能續李時珍書宜羞稱朱文墨蓋一一分別斯足徵

王少呂以所栞話雨樓碑帖錄目寄詒因索為秋夜  
校碑圖圖成題長歌報之

近人金石談覃谿於北竹汀南金石證經史竹垞亭林亦如  
此職官地誌秣與書一一穿穴為佃漁探源火整腦自宋彼  
夾漈鄭猶拘虛鼎足之三洪趙歐劉球婁機楊詢薛尚功同  
一邱到今儀徵之阮鎮洋畢哀然巨表追前修青浦萃編隘  
千載陽湖碑錄凌九州其外瓦當及錢品於此分派為支流  
我生同餓隸換少碑礫覓無計半世奔波眼力窮轉手煙雲

徒雪涕岐陽獵碣天一閣宋拓本陶陵銅積古齋舊藏此器今捨置焦山寺王子虧

鼎藏虎邱山寺泰山礪琅邪臺拓本華嶽碑全揚州阮氏所得天一閣不翦本散盤工

此器舊藏徽州洪氏額離使貢入內府見必摩挲日校諦歸來一掃四壁空秋

宵耿耿夢必通君才毋乃楊南仲劉原甫亞有此奇特寄我

使我至老而相逢舊傳既充箱新獲亦照軫世皆汎濫已獨

峻整著其手錄及彼纂并滿堂賓侶眉共揚舉宙豪貴目敢

晒夜闌高燭思慮清洗滌塵根開百城劉香肉譜各貫串宋

綬掌固非支撐繭絲牛毛皆入据直與二十四史相縱橫因

君博物肝肺熱落月停雲思轉切干墨庵昔聞壻鄉舊友袁綬階壻

貝氏昔曾為作詩而未會面清愛堂今官鞏昌諸城劉燕庭嘗從子游去年官汀州守時曾以所刻

夔鼎文寄子今擢鞏秦階觀察使一人半爾朱右甫為弼老以風病滯侍郎

愛而不見路阻長欲往從之河無梁祇存函鐵嚴鐵橋可均温鐵花日鑑

居今稽古日在旁噫噫乎願君密寶弗炫耀世間巧偷豪奪  
皆自召獨不見趙宋向公明按圖索駿半田長城劉瑄成又  
不見李唐釋辨才賣蠶種來朝夕唯宿醒縱使重梁複檻藏  
之尚不可世豈少此蕭翼一輩能賺之狂生

聞川十二詠爲二田作

花街

春曉先鳥起出門風吹衣豈知桃李花開近枯禪扉

楊柳灣

櫓牀微雨停閒鷺下髭柳無處無漁莊得魚亦酤酒

東禪寺

修竹何戢戢十笏延涼風無以答此君慚彼長帽翁

合溪別業

故宮亂紅兜瞥眼一風葉金粟今不來雲堂遺梵笈

蓮花墩

淨綠唾不可游魚逐成隊名曰小滄浪切弗語褊襪

水月林庵

浮萍冒朱華四壁無纖塵會買缺瓜艇結此香月鄰

一宿庵

那無桑下戀劫塵浩莫數屋山有平仲崢嶸歲月古

雪龕

瓶拂寒山來誅茅習清聽詩侶苦難招獨敲初夜磬

冠鼈亭

長虹偃平波秋來皓如鏡月午絕無人水天相於永

劍嘯臺

何年築高臺夜氣終不歇不知重載下誰復張雷掘

菊隱祠

誰種東籬花祠堂緬修甸至今南村人長共寒泉薦

蘆涇

蘆花白露初湛湛一方水何處覓伊人伊人正在此

題二田看茶啜墨圖

試茶取其白貯墨取其黑欲黑漆不如欲白雪亦失人心未  
會事物論豈終極夫君大雅倫嗜好異耳食一甌龍團妍百  
挺烏玦襲蔡藝長畏勞滕癖又苦濕兩捨固爲難兼收意甚  
得活火發奇香緩磨出妙汁脣沾同制酒目成如遠色衆言  
任哲黔高風領操德終日硯鑪旁白黑兩不惑揚雄且草元  
老聃但虛室

題陸贄鄉

鎮

鬱林山館圖

吳趨諸陸朱兩幡族均顧氏源平原鬱林太守尤廉潔歸裝  
載石爲高門佳人南國首二妙屋東西住兩弟昆眼中兀突  
見此館士龍名復衆口喧書藏千卷硯北富詩吟萬首鑑曲  
尊交讓樹邊逸牀竈海棠巢底羅琴樽萬步計畝恒苦水一  
欄養鴨還解言人患才少子患多新語成當貢

九闡仰天大笑過江去鬚囊影亂江水渾牽犬聽鶴各有志  
毀茶品水同弗諼他年相訪臨頓里何知不是桑苧園比肩  
有人可借隱十友方外安足論

萬柳堂爲阮師補作

丙寅在揚雲師屬賦湖莊襍詠八首其二爲三十  
六陂亭及己亥師懸車改爲書室書來告易爲補

一首寄早  
舊游黑羔厰景物畧相似深柳與新荷驟雨叶宮徵異日抱  
經來師真廉孟子

南陽村圖歌

楓涇鎮市尾曰南陽村有舊廣宅三面環水蒼藤  
老樹百年物也蘭川得之將移居遣人徵詩畫因  
成此寄之

君家老屋涇水濱近復卜築來南村水三面環隔只尺舊時  
喬木今猶新長廊曲檻極天趣疎簾淨几無纖塵百年蒼松  
作蛟吼十圍古檜疑夔蹲山薑倚牆放疎蕊珠簾壓架交長  
根家具雖少有雞犬洪崖婦子顏溫存汗牛經史萬卷富充  
箱金石千番屯日長無事坐花下歐趙洪薛殊斷斷細入蛛

絲大鵬翼妙悟直欲追先秦昨朝遣人要詩畫錢郎結習羞

王孫

水村圖趙松雪爲錢氏作

或云鶴書旋赴隴玉堂失卻茅檐真蛾眉

班缺且促駕轉眼釋褐離隱淪君聞鼓掌忽騰笑孔移無乃

猿鳥嗔昌黎盤谷豈妄語吾非惡此逃其身嗟余老大分桑

芋出處遑敢多求人盍不抽帆指涇水披抹風月來打門空

齋登登脫以紙圈公石坐子尾樽前禾訪碑況羅致攜歸攷

索忘朝昏硬黃響榻必工緻求古尋論尤精醇須知飲啄亦

有數致此邱壑寧無神自非水木兩明瑟平生夙好何由敦

柴桑舊宅倘許到

淵明集有南村詩

松齡及野皆鄉親

陰雨謠題客窗哭友圖

陰雨復吟雨啼鴻深樹裏五倫無古今七情無朝市唐衢縱  
善悲陸機不長喜天後號咷旅人良有王黨王詠之从

交陶雲交夢魂常往還賓主互彼此憶昨  
午丑秋風信動魚  
鯉南村不自意直至梨花里里門多荆高一五相以齒盤核  
羅炙漿戶外滿綦履時時響秋潮詼笑雜倚徙阿誰荻塘來  
經過楔湖溪從人問王昌一病竟至死坐客聞此言低頭及  
交耳雲史聞此言淚落如鉛水須臾注長河漣漣不自止舉  
座爲不歡向隅胡乃爾或疑好酒悲朱翟莫浪比晨興促歸  
航行行望桑梓火速啟藤笥烟墨出深旨故人有難兄水驛  
急遞似今朝欵柴扉硯農用舉視詩作孝節徐畫過指揮紀  
展罷且前席一一通其指斯人直古人待物少渣滓烏有閔  
堂飲歡笑方倍蕙一聞來者言淚落如鉛水須臾注長河漣  
漣不自止子能無一辭薄敦懦夫起再拜受其冊氣結口徒  
哆嗟嗟君弟昆交余亦有在前年我刻書淨本復誰待何圖

手腕脫奄奄日以殆剗剗縱無期轉盼失光采亦旣序其詩  
叢殘實董理地下苟有知老眼濕清泚吾聞哭有二此道得  
之禮有畏固交頤有愛每雪涕畏愛兩不關是豈涉譽毀齊  
衰孟嘗悲漢替許慶恥友朋次君父仁義動君子懷哉聊還  
歸兩目久枯矣

柳如是青田石書鎮

石長二寸有半廣二之一刻山水亭樹欵日傲白石翁筆小篆

頗工緻面鑄崇禎辛巳暢月柳蘼蕪製今藏王硯農處

寫罷烏絲笑破錢

謂錢岱勳爲姬捉刀人見王雲詩注

筆牀硯匣日周旋歸家

園裏傷心樹轉手滄桑二百年

山莊紅豆正花開花底齊牢酒一杯展向春風重太息絳雲  
書卷从成灰

漏澤引

卷之三

三

硯農索爲震澤左邑侯賦

宋時吳祿化人亭地在城外通濟寺風雪夜倒僧求復當路  
不許禁轉厲縣尉者誰實黃震痛切作文戒後世邇來又閱  
幾百年變爲漏澤差強意由斯以降官弗知各聽其鄉自爲  
計釀錢略仿漢酺飲買冢北邙掩枯骹濫觴無殊效有殊不  
在初難貴終易余家三世預茲役縱乏籛金每攘臂不才奔  
走在衙署嘗經苦口告大吏梅堰一集雖彈丸不少賢豪傾  
筐筥吾友王君性氣麤遇發亦時見古義汲深綆短或不續  
黃金擲牝那可繼有時囊底無一錢棄置兩難輒驚悸必諧  
羣力方克濟焉得青蚨歲常至左侯一身湖海豪耳目頓新  
民物氣花日茅檐詢疾回清俸親頒掖兩袖前黃後左轍不  
同一則滌惡一扶墜譬如山壑藏巨舟大力負之釋其累書

來邀我作長句秦中吟亦樂天志朝朝枯樹叫鴝鵒夜夜青  
燐出薜荔但使民間利孔多蚩蚩儘自愛同類急義千秋有  
替人野史鄉碑永相誌

題鷺湖餞別圖用潘稼堂太史平波臺韻送王冶亭

少尹鈞

道州詩裏尋循吏縱使遄歸去復來訪友每停花外舫催耕  
時上水心臺柳濃共學臨分袂波白還徵後會杯滿眼雲霞  
想揮手畫眉橋畔暮帆開

懸解平畫鼠歸柳暮神閑

擬山水亦素應其筆韻衣好對白景燈對會林蘭東

匪地轉裏輕醉吏錄對豈鶴去對來南式吾對汝夜與對

更對

更對 懸解平畫鼠歸柳暮神閑 擬山水亦素應其筆韻衣好對白景燈對會林蘭東

作人與史

擬山水亦素應其筆韻衣好對白景燈對會林蘭東

來燕更對其日素中今衣樂天志博厚林樹和

